



Tusagassiorfinnut nalunaarut Pressemeddelelse

Meeqqat minnerit peqqissunngorumalutik pinnguarsinnaangorput

”Pinnguaat Peqqinnartog /Det Sunde Spil” PAARISAMEERSOQ tassaavoq meeqqanut 4-10 missaanni ukiulinnut angajoqqaavinullu pinnguaat oqaatsit marluk atorlugit suliarineqarsimasog. Pinnguaat aserujaatsuvoq, ilioqqaavia ilioqqagassallu soorlu ilaatigut appelsinanik orangiaasunik, eertanik qorsunnik paarnanillu qerningajattunik assiliartalersorneqarsimapput. Pinnguaat aqqutigalugu meeqqat minnerit nuannisarlutik nerisarisat aalanerlu pillugit ilisimasaqalernissamut periarfissinneqassapput, ilutigalugulu oqaatsiminnik ineriartortitsinerminni pissarsiaqarluassallutik. Taakku tassaapput peqqissumik inuuneqalernissamut tunngaviusut.

5. marts 2007
Postboks 1160
3900 Nuuk
Oq/tel +299 34 50 00
Fax +299 32 55 05
peqqip@gh.gl
www.nanoq.gl/peqqik
www.peqqik.gl

Meeqqat pinnguaatigalutik nerisassat suut peqqinnartuuneri peqqinnangitsuunerilu pillugit ilisimasaqalissapput. Tunngaviusog ajornaatsuararsuvoq: Nerisassat peqqinnartuugaangata sulii amerlanerusunik siumut ingerlasoqarsinnaavoq – peqqinnangitsuugaangata, soorlu sodavandi tunisassiallu ullaakkorsiutit sukkoqarpallaartut utimut ingerlasoqartarluni.

Pinnguaat aamma timi aalatillugu sammisaqarnissamut siunnersuutininik imaqarpoq. Sammisaqarnissamut siunnersuutininik imaqarpoq, tassa siunnersuutigineqartoq pinnguaqataasunit tamanit peqataaffigineqassaaq: soorlu naat qullinngorlugit nallariarluni talit niullu atorlugit assagissatut ingerlaarneq. Ilioqqagassat assiliartallit marlukkarlugit ilusilersorneqarnikuupput aammalu kalaallisut qallunaatullu oqaasertalersorneqarnikuullutik, taamaalilluni eqqaamasinnaassusermik oqaatsinillu ilinniutigiitigalugu pinnguaatigineqarsinnaalluni.

Ilaqtariit pinnguaat aallaavigalugu angerlarsimaffimminni nereriaasertik inooriaasertillu pillugit oqaloqatigiilernissat innersuussutigineqarpoq. Aammattaaq perorsaasut ilinniartitsisullu ulluinnarni meeqqat ilagalugit pinnguaammik atuisarnissaat pissusissamisuginnassaaq.

Inersimasunut peqqissumik inooriaaseqarneq pillugu annertunerusumik ilisimasaqarumasunut ”Meeqqanut 4 – 10 ukiulinnut nerisarisat aalanissarlu pillugu SIUNNERSUUTIT PEQQINNARTUT” atuarnissaa innersuussutigineqarpoq, taanna 2005-imi Nerisaqarnermut Siunnersuisoqatigiinnit saqqummersinneqarpoq. Atuagassiaq akeqanngilaq PAARISA-lu aqqutigalugu piniarneqarsinnaalluni.

Pinnguaat Peqqinnartog Info Design suleqatigalugu ineriartortinneqarpoq, sinerissamilu tamani meeqqerivnut, fritidshjem-inut atuarfinnilu klassinut minnernut nassiussorneqassalluni.

Saniatigut aamma sammisaq pitsaasoq tapersersorniarlugu pinnguaat Brugsenip, Pisiffiup Pilersuisullu pisiniarfiini 99,- kr.-ilerlugu pisiarinqarsinnaavoq. Aningaasat isertinneqartut toqqaannartumik PAARISA-mi immikkut nakkartinneqassapput, peqqinnartunillu sammisaqartitsinissanut tapiiffigineqarnissamik qinnuteqarfigineqarsinnaassallutik.

Annertunerusumik paasisaqarumaguit Anita Johansen, PAARISAMI siunnersorti, tlf. +299 346676 imaluunniit e-mail ANIJ@gh.gl imaluunniit Bodil Karlshøj Poulsen, Immikkoortortaqarfimmi pisortaq, tlf. +299 346674 imaluunniit e-mail BKP@gh.gl atorlugu attaveqarfigineqarsinnaapput.